

教育杂志

一  
第四册

教

材

# 世界共和國成立之略史 約 龕

草昧之初。人各離立。無所謂羣。即無所謂國。有能者出。創定規制。束縛倫類。廣土衆民。因以團結。畏威懷德。乃有人君。世界進化。民權漸昌。革除階級。締造新邦。程度齊等。政治共主。舉其秀傑。使長齊民。廢世襲之制。定解職之期。是曰總統。由前之說。則君主國之所以創也。由後之說。則民主國之所以成也。

百年以前。世界多專制國。雖希臘羅馬自由都府。垂稱史乘。其不及今日共和之制。可斷言也。僑美英民。以十三州獨立。舉義締造。亞美利加合衆國。曾不數年。而法蘭西覆其政府。戮其君主。雖以奧相梅特涅之專制。神聖同盟之橫暴。而民族潮流。共和主義。雲湧潮發。不可遏止。迄今百餘年。歐洲諸國。雖僅法蘭西瑞士爲民主

教 材

世界共和國成立之略史

共和。然其餘諸國。亦不得不應時勢所要求。易專制爲立憲。以調停於君民之間。葡萄牙以君主立憲。而臨民不以誠。今亦終不免革命之禍。至於南北美洲。初皆歐人屬土。自美利堅宣告獨立。先後纔數十年。已無不脫離母邦。效美國共和之治。懿歟。休哉。今吾敘述之。次首歐洲。次中美。次北美。次南美。雖其立國有難易。國勢有強弱。要皆吾國今日鑑觀得失之林也。

法蘭西 世界革命之艱困。誠莫如法蘭西。哉。當十八世紀中葉。法國君主專制。貴族淫佚。教徒橫暴。平民憔悴。而孟德斯鳩。福祿特耳。盧騷之徒。唱導民主主義。一時言論界。思想丕變。人人欲創除階級。恢復自由。所不即發者。直需時耳。而路易十六世。復以荒縱失德。壓迫之於內。美利堅十三州。又以宣告獨立。欣動之於外。而法國革命時機。遂成熟於是矣。

千七百八十九年七月。巴黎暴徒。破巴士的獄。殺禁卒數十人。釋國事犯。警報及全國。所在暴徒蜂起。世祿之

家精神之族奔走死亡不可勝計。路易十六奔非色野離宮。暴徒脅之歸巴黎。以拉法夷脫監護之。政由議會民權大伸。千七百九十一年王復出奔。中途發覺被捕。復還於巴黎。奧地利德意志共發兵侵法。欲援王平亂。法人慮王通敵。逐廢王位。投之獄中。徵軍四境以禦敵。會聯軍疫起。又缺糧。遂退。千七百九十二年法人開國民公會。布告共和。政治成立。處路易以死刑。自是歷二年間。法政府肆行誅殺。人民之困苦乃甚於路易在位時。故史家目之曰恐怖時代。時有拿破崙者。當革命軍初起。拿破崙已在軍中。頗效忠於共和政府。及恐怖時代。王黨謀反動。拿破崙擊破之。由是威名震於全國。國民議會定新憲法。以元老院及衆議院爲立法部。行政部則設督政官五人。拿破崙奉命爲意大利駐軍總督。累破奧軍。又遠征埃及。會奧普葡土諸國結拒法同盟。法人大懼。共斥督政官。拿破崙聞之。潛行歸國。以兵力覆政府。自爲大總統。勵精圖治。國人悅服。屢出兵破奧。

德兩軍。關地盡歐洲大半。一千八百零四年遂廢共和。政治創立帝政。益務侵略。所至摧破。然以莫斯科一役覆其全軍。拿破崙狼狽逃歸。千八百十三年各國以兵力脅拿破崙退位。雖更圖大舉。其勢終不復振。路易十八從列強議。繼登王位。初頗遵行憲法。繼漸流於專制。查理第十嗣位。務裁抑民氣。以張王權。千八百三十年七月法國革命又起。廢查理第十。迎荷勒昂公路易腓力爲王。各國許之。是謂七月革命。路易腓立由法民擁戴爲國王。誓遵憲法。厲行自由主義。而所施政策大違民望。箝制言論。籠絡議員。在位十八年。無一善可記。千八百四十八年二月共和黨更舉革命。旗迫路易腓立退位。復建共和。政治舉路易拿破崙爲大總統。定總統任期爲四年。是謂二月革命。路易拿破崙者。爲拿破崙第一之姪。陰懷大志。欲繼承先烈。故及其就任。卽利用職權。斷行專制。植黨既多。勢力漸固。乃改大總統任期爲十年。千八百五十二年又

利用元老院建議。重與帝國稱拿破崙第三。而共和政  
治。又傾覆矣。

拿破崙第三既即帝位。欲立功域外。以結人心。首與俄  
戰而勝。繼與奧戰而勝。名震全歐。然及其終也。累戰輒  
敗。千八百七十年。與普軍大戰。困於師丹。拿破崙第三  
降。德軍乘勝圍巴黎。法人割地輸金。爲城下之盟。自是  
以還。法人始確定共和政治。而國勢又日強矣。

瑞士有立國已數百年。多經變亂。而始終爲聯邦民  
主國者。厥惟瑞士。當中古之世。瑞士爲日耳曼屬土。繼  
乃分離。易貴族之政爲民主之政。然無所統一。兵爭屢  
起。及拿破崙崛起。遂滅其地。以爲郡縣。千八百十三年。  
拿破崙爲同盟軍所敗。被執。瑞士人聞之。因集合聯邦  
締攻守同盟之約。請於奧普。結爲外援。奧軍乘之。國土  
又蹙。千八百十四年。拿破崙復起。蹂躪歐洲。瑞士各聯  
邦復有依輔拿破崙之志。翌年。拿破崙又爲歐洲同盟  
軍所擒。英俄與普四國糾合諸小邦。會於維也納。令瑞

士除原有十九州外。削法境三州與之。令組織聯邦。成  
共和國。未幾與英葡普俄。共認爲永遠局外中立國。且  
保全其領土。然國土褊小。種教難綏。後各州獨立。又變  
爲貴族政治。及法國七月革命。有廢貴族制行民主政  
治者。然其全國猶未統一也。千八百四十八年。國人始  
仿美國憲法。制定新憲法。爲合衆聯邦。自是國人漸泯  
種教思想。各勤職務。民主政治發達完成。自殖產工藝  
以至教育進步。滿足足導歐洲文明先路。又以其國爲  
局外中立。故永無兵禍。國人常謂爲世界中最能統治  
最有幸福之國。非虛語也。

葡萄牙 當中古時。法蘭西王族恩理格。始立國於葡  
萄牙。近古之初。葡人航海遠出。後先相踵。屬地遍於世  
界富強。甲於歐洲。其後爲西班牙所破。緣西班牙者六  
十年。民困倒懸。國漸衰敝。賴法英之助。仍得立國。然英  
人干涉之漸由是啟矣。及法帝拿破崙在位。與西班牙  
瓜分葡土。葡王約翰不能敵。棄國西逃。遷鼎於巴西。迨

拿破崙敗。王立世子爲巴西王。自返故國。開設國會。公布憲法。以民權爲基礎。一切政權。概屬於議會。未幾。迷厄爾作亂。法國干涉之。設王國。廢憲法。發布封建制度。千八百二十六年。王崩。王女瑪利亞自巴西歸國。卽葡萄牙王位。自是興廢無常。而國勢浸衰矣。千九百零三年。葡王加爾羅卽位。重布憲法。於全國。然官吏多不便之時。布蘭哥當國。乃解散議院。不復召集。更不續行選舉。於是葡萄牙仍爲專制政體。千九百零八年。加爾羅出游。炸彈猝發。斃於途。布蘭哥出奔海外。王政黨奉王仲子瑪奴埃爲主。一切政權。悉操之於王政黨。欲以假立憲籠絡國人。而專制日甚。千九百十年。十月革命軍猝起於列斯彭。王室傾覆。瑪奴埃遁至倫敦。乃建設共和政治。十一年八月。始將議定之憲法條文。公布全國。美利堅。近百年來。專制國日少。共和國日多。而首發難端。爲列國先導者。則爲美利堅。欲究美國成立之原因。應先明美國國民之性質。自千四百九十二年。哥倫

布發見美洲。西班牙荷蘭。先後移民其間。及十七世紀中葉。英法殖民漸衆。夫英民固夙以能自治好自由著稱於世者也。數十年間。英法相攻。法人屢敗。英勢益張。然其政府處置殖民。未嘗與本國等。千七百六十五年。經議會協贊。舉行印花稅。凡殖民地賣買貨物土地。以及訴訟婚姻等。悉命貼用印紙。美民因英國議會無本洲代議士。無課稅理拒之。英政府不得已。廢印花稅。未幾。又課茶紙玻璃顏料等稅。終離以美人抗議。卽行廢止。而徵收茶稅如故。美人意終不平。旋有入英商茶船。投其茶箱於海者。英政府怒。下封港禁貿易之令。美十三州代表五十三人。會於費拉得爾非亞。決計用兵。遣使赴歐洲各國請援。千七百七十六年。以獨立書布告天下。明年。誓以殖民地十三州。永爲合衆國。自是經七年之久。力戰英兵。卒摧強敵。英人乃允十三州獨立。諸國亦已先後承認。千七百八十七年。開聯邦會議於費拉得爾非亞。華盛頓爲議長。於是制定憲法。分置立法

行政司法機關。千七百八十九年。本新憲法。開第一次議會。於紐約。舉華盛頓爲總統。越二年。定都於華盛頓。國基始固。自是歷數十年。英法西墨諸國。領地絡繹加入。於是版圖益擴。全國得四十九州。東控大西洋。西臨太平洋。卓然爲北美強國矣。

墨西哥。南北美洲古皆荒土。獨墨西哥當歐人未至以前。已爲強大之帝國。千五百十五年。西班牙屬島古巴總督瓦拉厥士。聞墨西哥富實。遣將襲破之。自是墨西哥爲西班牙屬土。千八百六年。國人謀叛。旋平。越四年。諸部又叛。國人黑大爾屋始議自立。旋廢。千八百二十一年。公推大將奧古斯丁爲民主。脫離西班牙。布告各國。未幾。又廢國中黨爭不已。連易數主。俱不能久於其位。千八百六十年。蘇亞勒士藉兵力執政。權暴遇外人。英法西三國各出問罪之師。蘇亞勒士懼。納價金。請和。英西班牙師而法欲乘間據地。明年進兵三萬。拔其都。蘇亞勒士出走。法人爲設議院。廢共和政。爲君主立馬。

## 教材

世界共和國成立之略史

西密憐爲帝。戊戌以重兵。越三年。共和黨又起。是時法爲普敗。戍兵去墨。帝勢孤。爲墨將所殺。蘇亞勒士復得位。改君主爲民主。由是改定憲法。行共和政治。以至於今。然其後總統麥亞士。連舉八次。爲大總領。執政互三十餘年。濫收外資。扶植勢力。雖曰共和。而爲禍之烈。甚於專制。千九百十一年。革命軍起。麥亞士出亡。而黨人鬭爭於內。美國監視於外。今其國勢猶兀臬不安。終未享共和之福也。

南美洲共和國。南美全洲立國十餘。其政體俱爲共和。土地以巴西爲大。立國以祕魯智利爲古。其餘若波里菲亞。則析自祕魯。若哥倫比亞。古未成國。其後乃分裂爲三。曰哥倫比亞。曰厄瓜多爾。曰委內瑞拉。而洲南又有三國。曰拉巴拉他。曰巴拉圭。曰烏拉圭。茲並附載其成國之略焉。

巴西。巴西自昔爲土番部落。千四百九十八年。哥倫布第三次航海。首至其地。雖至者爲意大利人亞

美利加。葡人因徙罪人墾闢之。會西班牙王奪葡萄牙王位。巴西亦轉屬於西班牙。民受其虐者六十年。千六百四十年。葡萄牙背西班牙自立。復屬於葡。葡人役猶太人往耕。土宜甘蔗。鉅利以與。荷蘭覬覦之。又舉兵奪其地。歷五十餘年。卒爲葡人驅逐。千八百七年。葡國爲法王拿破崙所破。王避居巴西。閱十餘年始歸國。留世子治之。國民不願屬葡。乃改巴西爲世襲王國。卽奉葡萄牙世子爲主。於是別爲海西大國。千八百八十九年。革命軍起。王室被逐。效美國之制。成聯邦共和國。

秘魯。秘魯古爲南亞美利加大國。近古之初。西班牙人比散維與亞爾馬哥羅引軍入境。所向無敵。其地遂爲西所據。西人移居者日衆。而土人則漸少矣。其後拿破崙起。西班牙爲法所困。屬地多相繼自立。千八百二十一年。與智利并力。逐西官出境。閱三年。波里瓦爾合智利兵力。攻西班牙人屢勝之國。基始

定千八百二十二年。始頒布憲法。成共和國。

波里菲亞。波里菲亞本秘魯之一部。故其沿革與秘魯略同。秘魯獨立內亂疊起。乃析國之南境爲上

秘魯。將軍波里瓦爾任保護之職。千八百二十六年

波里瓦爾採集衆議。以上秘魯別立共和國。遂制定

波里菲亞之憲法焉。

智利。智利立國在秘魯之南。西班牙初奪秘魯。繼

卽收智利爲藩屬。會西將爲土人所殺。西人收其地

附於秘魯。百年前。西人爲法所困。美洲諸藩屬俱叛

智利亦閉關自守。不與西通。千八百十四年。西人太

舉伐之。智人敗。乞援於拉巴拉他。拉巴拉他發兵助

之。千八百十八年。與西軍戰。大勝之。西人不敵。爭任

其自立。

哥倫比亞三國。哥倫比亞初亦屬於西班牙。千八

百十八年。名將波里瓦爾率衆逐西人。攘地自主。組

織聯邦。千八百三十年。分離而成爲厄瓜多爾共和國。

國。委內瑞拉、合衆國、哥倫比亞、合衆國、多內亂紛爭不絕。以無强有力之政府統一之也。哥倫比亞本合九國爲聯邦。千九百零三年。其北部一邦曰巴拿馬。爲美人所利用。與哥倫比亞分離。名曰自主。不啻美人之保護國也。

拉巴拉他。拉巴拉他（二曰阿根廷）在智利之東。爲洲南大國。舊本番民雜處之地。方西班牙全盛時。亦遣別將收其地。千八百十年。土人不受制。羣謀自立。揭竿與西人戰。明年大敗西人。逐其官。自是相持者數年。至千八百十六年。始自立爲民主國。然內訌頻起。三十年無甯暑。千八百五十三年。重定憲法。合所構成聯邦之十四國及三領地。俾統屬於聯邦政府。

巴拉圭。巴拉圭介於巴西與拉巴拉他之間。初屬於西班牙。附於拉巴拉他爲一部。千七百五十年。西葡易地。巴拉圭轉屬於葡。葡人不善約束。人心離叛。

千七百七十六年。仍歸於西班牙。及拉巴拉他自立之明年。巴拉圭亦建共和國。國土雖小。而國威頗振。烏拉乖。烏拉乖初爲拉巴拉他之一部。千八百十四年。公布獨立。然歐人之占領土地者。既被驅逐。其市民農民之間。又起激戰。農民首領某氏。初握最高權。後由巴西國干涉。傾覆某氏之專權。其地遂轉屬於巴西。千八百二十五年。再公布獨立。揭竿舉義。力抗巴西。越三年。由英國爲仲裁。認烏拉乖爲獨立國。中美洲共和國。介南北美洲之間。有土腰長數千里。舊爲危地瑪拉王國。附墨西哥爲西班牙屬地。迨墨西哥叛。西危地瑪拉亦自立。初分五州。後爲五國。共構成中央亞美利加聯邦。千八百二十五年。始成立統一之政府。軍國大事。由總統總攝。倣美國之制也。所謂五國者。曰危地瑪拉。曰岡都拉斯。曰哥斯德爾黎。加曰尼加拉瓜。曰桑薩爾瓦多。爾千八百三十九年。岡都拉斯首與諸國分離。其後八年。四國效之。各自行政。不相統屬。

教 材

世界共和國成立之略史

世界共和國。略具於右。其餘若歐洲之安道耳。若美洲之海地。三多明各。託庇於人。無獨立之資格。自餘以下。可無譏焉。吾國今日已離專制爲共和矣。然政令未一。民方倒懸。其或成立爲東方強國。與法美相提攜。或分離滅裂。僅廁列於南美諸邦。要皆在我國民自求之耳。

---

教授資料

西藏近世史略

沈 頤

一 敘論

西方有大地焉。據帕米爾、羣山之疊、帶雅魯藏布江之川、擁騰格里之湖、蠡岡底斯之山。非所謂西藏者歟？西藏者固經累代之經營而始爲我西陲之藩屬者也。道咸以降，羈縻不善，國威日替，藏心日離。及英俄勢力侵入，而其政治之窳敗、民氣之昏惰、礦藏之豐富、地勢之夷險，遂一一暴露於世界。然則西藏之地，其終能爲我有歟？抑將爲英俄所割歟？此二者爲未定問題，而皆視我今後對藏之政策如何語云。前事之不忘，後事之師也。欲爲亡羊之補，勿待桑榆之晚。吾今撮錄其近世之史，起自國初迄於今日，俱著於篇，謂陋之譏，吾知不免。然循此以求，倘亦得失之林歟。

二 地理

西藏之地，位於吾國西部，縱橫數千里，西北通俄屬回部，南接英屬印度，全境分四部，曰衛，曰藏，曰喀木，曰阿里。衛與喀木亦曰前藏，在其東部。藏與阿里亦曰後藏。在其西部。其地東接四川，以金沙江爲界，東南接雲南，以瀾滄江、怒江爲界，南憑喜馬拉雅山，而接於印度。北依唐古刺山而接於新疆，西部萬山叢雜，疆界不明，大率與英俄屬地相接。

西藏地勢，高出海面，平均達萬五千尺，故爲世界第一高原，交通險阻，氣候嚴寒，凡由川入藏者，苟遇冰雪阻滯，輒歷數十日乃至數月，而英人由印度入藏者，可由鐵道逕達大吉嶺，逾嶺而北，卽爲藏境。此邊事所由日亟也。

三 人種

西藏人種，或云爲三苗之裔，虞書稱宜三苗於三危，三危在甘肅、嶺南縣境，（或云三危卽三藏）三苗種族，由

此繁殖而西。分布於天山南路及河源左右。其後逾崑崙山脈而南。乃崛起爲吐蕃。今之西藏人。卽其遺裔也。南北朝時。吐蕃之族。始知牧畜。事戰國。有酋長。其風俗。與今西藏絕異。貴壯賤老。重兵尙武。以故兵力驍強。至隋唐之際。始聞於中國。自吐蕃既衰。其部落散處緜谷。各長其君。各子其民。我朝底定西藏。始各俯首巖疆。翕然聽命。其部落之最大者曰唐古忒。居於西藏本境。其散處於青海甘肅及川藏之交者。種類繁多。以非本篇所宜詳。不具載。

#### 四 沿革

吐蕃之有國。莫知其所由。唐初有勝兵數十萬。號爲強國。其鄰黨項白蘭諸部及吐谷渾西域諸國。咸畏懼之。貞觀中。以宗室女封文成公主。降於吐蕃贊普。(吐蕃人號其主曰贊普)贊普噶布木親迎於河源。見中國服飾禮儀之美。俯仰有愧沮之色。謂所親曰。我祖父未有通婚大國者。今我得尙大唐公主。當築一城。以誇

後代。仍遣酋豪子弟請入國學。以習詩書。是爲我國文化輸入西藏之始。噶布木死。子早卒。孫幼。大相祿東贊攝知國事。以兵臨吐谷渾。高宗遣將救之。爲吐蕃將欽陵所敗。吐蕃遂滅吐谷渾。并兼諸羌。雄霸西土。自是吐蕃之禍。與唐室相終始。唐末中原多故。甘涼諸境。俱沒於戎。然吐蕃亦自是衰弱。族種分散。大者數千家。小者百十家。各有首領。內屬者謂之熟戶。餘謂之生戶。及元世祖時。烏斯藏僧八思巴者。謁帝於潛邸。大見親禮。尊爲國師。號大寶法王。使領藏地。予以政教之權。下逮有明。累封其酋。分王其地。迄正德嘉靖世。奉貢不絕。

#### 五 宗教

西藏之宗教。與其歷史之關係最深。故欲研究西藏之歷史。不可不先明其宗教之歷史。隋唐以前。吐蕃無文字。無宗教。文成公主信佛教。既下降贊普。則自中國鑄釋迦牟尼像迎奉之。其後印度尼泊爾國王。又以女妻吐蕃贊普。於是就國中廣建寺院。迎印度僧侶入國布

教。以印度文爲國文。全藏、遂化爲佛、教國。其僧侶謂之喇嘛。喇嘛者。唐古特語無上之義也。僧侶受王室尊奉。有特權。舊時貴族。曲意事之。及八思巴受元代敬禮。操有政教之大權。法王世居扎什倫布。（即日喀則城今爲班禪喇嘛所治）其勢力幾與羅馬教皇相等。黨衆寢多。淫殺日盛。迄於元末。順帝惑於番僧之術。遂以亡國。明洪武初。太祖以西番地曠人悍。欲殺其勢。故凡元代法王國師來朝貢者。輒因其故俗。許其世襲。以化曠俗。尊中國。永樂初。成祖遣使迎西僧哈立麻至京師。封大寶法王。西天大善自在佛。其徒三人。皆封國師。於是其徒爭來朝貢。輻輳京師。明室皆予以封號。凡封王號者八。授西天佛子者二。灌頂大國師者九。灌頂國師者十有八。法王等死。其徒輒自相承襲。歲一朝貢。中國亦羈縻之。不違絕也。滇漸數百年。一化其曠悍之俗。而習於情侈。其人惑於符咒幻術。不復有遠志。以故終明世。無西番患。

明時。西藏喇嘛襲印度袈裟舊式。衣皆尚紅。故謂之紅教。其後有宗喀巴者。本青陽西甯衛人。生於永樂十五年。初學經於扎什倫布之薩迦廟。既盡悉藏中僧侶之腐敗。翻然爲改圖之計。入大雪山。勤修苦行。道既成。爲番衆所信。於是別立一宗。演大乘教。重見性度生。斥聲聞小乘。幻術下乘。乃即徒衆。自黃其衣冠。以自別於紅教。是猶基督之有路德矣。宗喀巴之教。禁婚娶。故其嗣續。法由二大弟子世世以呼畢勒罕轉生。二大弟子者。一達賴喇嘛。一班禪額爾德尼也。呼畢勒罕者。譯轉世或化身也。其法於喇嘛示寂之前。豫言其轉世之地。其弟子則就所指之地求之。見有初生之兒。即明認爲前世達賴或班禪所化生。達賴一世曰敦根巴珠。即贊普之裔。世爲藏王。至是舍位奉教。嗣宗喀巴傳衣鉢。始以法王兼藏王事。於是其教盛行於前藏。及二世根敦嘉穆錯立。自置第巴等以理民事。其弟子稱胡土克圖。分掌教化。然其時與中國未嘗通也。及正德時。始以活

佛之名。聞於中國。自是歷三世四世。青海河套及漠南。北諸蒙古。罔不稽首嚮服。卽紅教中大乘大寶諸法王。亦皆俯首稱弟子。此紅教之所以式微。黃教之所以代興也。

### 六 國初西藏之降附

達賴第五世曰羅卜藏嘉木錯者。適當我朝興於東土。太宗文皇帝崇德四年。因厄魯特使貽達賴書。於是達賴班禪及藏巴汗（主後藏青海固始汗）爲厄魯特蒙古回部之一。今科布多烏梁海及河套以西回部青海皆國初厄魯特蒙古牧地。各報使。繞塞外數萬里。以崇德七年至盛京。奉書及方物。明年遣使存問達賴班禪。稱爲金剛大士。是爲我朝通西藏之始。順治初。達賴班禪及固始汗以我朝入主中國。復遣使獻金佛念珠。表頌功德。並繳明室所頒金冊寶印。有詔賚賜甚厚。並遣使迎達賴。九年冬至京。禮遇甚隆。授金冊印。封爲西天大善自在佛。遣八旗兵送之。自是西藏與

本朝漸有關係。然藏中政令。悉由自主。朝廷不之問也。

### 七 桑結之跋扈

初、西藏之未通本朝也。前藏之地。第巴率達賴班禪居之。後藏之地。則藏巴汗居之。藏巴汗者。爲紅教護法。勢力尙足與黃教相頡頏。及達賴五世羅卜藏嘉木錯立。用其近親桑結爲第巴。桑結與藏巴汗不相能。謂其虐部衆。毀黃教。乞師於和碩特部。其牧地在今青海。固始汗擊藏巴汗殺之。而奉班禪居其地。自是達賴班禪分主前後藏。盡逐紅教諸法王。其徒衆離散亡匿。多居於尼泊爾及不丹境。固始汗旣有功。乃割西藏東部喀木爲其領土。又以二子留鎮拉薩。全藏實權。悉由固始汗專政矣。

當和碩特部之強於青海也。其崛起於西北邊。而與和碩特部勢力相抗者。則有準噶爾（亦厄魯特回部之一）準噶爾者。其牧地在伊犁。卽今迪化伊犁諸城地。

準噶爾之酋曰噶爾丹者。曾入藏爲喇嘛。與桑結驪。及歸自言受達賴封。爲準噶爾汗。曾服諸部。勢張盛。桑結既藉和碩特兵力。驅除異教。又惡固始汗干涉藏事。乃陰結噶爾丹。征服和碩特諸部。於是和碩特部漸衰。而準噶爾代興。康熙二十一年。第五世達賴卒。桑結欲專國政。祕不發喪。僞言達賴入定。居高閣不見人。凡事均矯命行之。會喀爾喀部（卽今外蒙古）土謝圖汗執殺札薩克圖汗而奪其妾。二部內鬩。我朝遣使會達賴之使和解之。時喀爾喀部哲卜尊丹巴（喀爾喀蒙古自國初以入藏隔於厄魯特乃自奉宗喀巴第三弟子哲卜尊丹巴之後身爲大胡土克圖位與班禪相亞至是已數十年）亦奉詔蒞盟。與達賴使並坐。噶爾丹方遣人覲。因責喀部待達賴使無加禮。爲土謝圖汗所殺。噶爾丹以此爲辭。與師侵喀部。聖祖命達賴遣使令罷兵。桑結使人矯達賴命。陰嗾噶爾丹南侵。二十九年。噶爾丹以追喀爾喀爲名。悉銳東犯。深入

烏蘭布通。距京師七百里。我軍進擊。大敗之。桑結之使濟隆。方留噶爾丹許。爲噶爾丹卑詞乞和。以緩我師。噶爾丹宵遁。聖祖疑達賴已死。屢遣使入藏覘之。第巴桑結輒使遙望禮拜。見有刺座立高樓之上。絳紗之中。香煙繚繞。真僞莫辨也。三十五年。聖祖親征準噶爾。噶爾丹敗竄。慰其部下曰。此行非我意。乃達賴使言南征大吉。是以深入也。上以達賴喇嘛存日。塞外無事者六十餘年。今噶爾丹屢南侵。疑有人嗾使之。又詢諸降番。皆言達賴喇嘛脫縑已久。因賜書桑結。責問罪狀。令班禪入朝。並執濟隆以昇我。桑結大恐。明年。桑結輸誠密奏。具言達賴喇嘛已死。前恐唐古特民人生變。故未發喪。乞暫爲祕之。至班禪因未出痘。不敢至京。濟隆當竭力致之。上以西藏降附既久。又屢用其力。以收服蒙古。桑結既操藏政。持之過急。恐生變。因許其使。暫勿宣洩。時朝廷方檄西北諸部協擒噶爾丹。策妄阿布坦（噶爾丹兄子）初噶爾丹自破喀爾喀戀漠北地

久不歸其伊犁舊部落悉爲策妄阿布坦所并。亦舉兵來會。桑結使歸途與遇。宣言達賴已死。戒勿妄動。策妄哭而歸。上以第巴始終反覆。乃追還其使。並傳集各蒙古。宣示第巴罪狀。然尙羈縻之。不與絕也。三十六年。噶爾丹既以窮蹙自殺。而拉藏汗（固始汗之孫）適以是年嗣爵。於是桑結失準噶爾之助。和碩特部之勢復長。

# 八 策妄那布坦之入藏

拉藏汗既嗣爵。因爭議立新達賴喇嘛。與桑結有隙。十四年。桑結謀毒拉藏汗。不遂。欲以兵逐之。拉藏汗集衆討誅桑結。奏廢桑結所立假達賴。而立伊西嘉穆錯爲第六世達賴喇嘛。然青海諸蒙古復不信之。別奉裏塘之噶爾藏嘉木錯爲眞達賴。迎至青海坐床。請賜冊印。與藏中所奏互相是非。兩部爭議之事未決。而策妄擾藏之事起。

初噶爾丹之敗亡也。策妄阿布坦起自伊犁。雄長準部。

舊時厄魯特悉被役屬。獨和碩特部踞有青海西藏。勢與相敵。策妄阿布坦先取拉藏之姊。而贅其子丹衷於伊犁。不令歸。上以其狙詐。勅拉藏母特親疏防。拉藏昏耄。以爲自準部入藏。重山險阻。準部兵必不能至。五十五年十月。策妄果遣台吉大策零敦多布率精兵從間道冒險入藏。行七月。始抵藏境。以送丹衷夫婦爲名。藏人特險。出不備。拉藏率衆拒戰。相持兩月。以兵寡退保拉薩。準部兵遂進圍拉薩。誘城人約爲內應。未幾城破。殺拉藏汗。俘其妻子。並執拉藏所立六世達賴幽之。於是準部遂兼有藏地。

# 九 藏地之平定

策妄阿布坦屢擾西北邊。我朝常發兵爲備。康熙五十六年。以內大臣傅爾丹爲振武將軍。駐阿爾台。尙書富甯安爲靖逆將軍。駐巴里坤。散秩大臣祁里德爲協理將軍。在西路策應。及厄魯特入藏。拉藏來乞師。詔侍衛色楞額侍讀學士查禮渾率兵至青海。會青海王台吉

之師進剿。又命西安將軍額倫特督軍西甯。與色楞分道並進。策零敦多布佯敗。而自扼喀喇烏蘇河以待。額倫特色楞等轉戰而前。會師於喀喇烏蘇。與賊軍遇。連戰皆勝。相持月餘。矢盡糧絕。全軍殲焉。賊氛益熾。青海蒙古皆憚進藏。奏言達賴喇嘛可隨地安禱。免王師遠涉之勞。而王大臣亦懲前敗。皆言藏地險要。不決進兵議。上以西藏屏蔽川滇。臥榻之旁。不容鼾睡。乃命皇十四子允禔爲撫遠大將軍。屯西甯治兵餉。將軍傅爾丹富甯安分出巴里坤。以獵其北。而將軍噶爾弼出四川。將軍延信出青海。兩路擣藏。於是富甯安至關展。降回衆三百餘。至土魯番。降番衆千餘。祁里德亦降。宰桑等二千餘。傅爾丹格殺厄魯特二百餘。擒宰桑貝肯等百餘。然皆未深入也。會西藏圖伯特人俱言在西甯所見之新呼必勒罕。實係達賴喇嘛所立之呼必勒罕。而以拉藏汗所立者爲僞。合詞請於朝。乞擁置禪榻。詔許給冊印。蒙古汗王貝勒台吉等。乃各率所部

隨大兵。送達賴喇嘛入藏。策零敦多布自迎青海兵。而分遣別將迎南路之師。延信與策零敦多布連戰皆捷。南路將軍噶爾弼即乘虛由巴塘裏塘引兵前進。所至降附。又用副將岳鍾琪以番攻番之策。即招土司爲前驅。集皮船渡河。直趨西藏。分兵塞險。扼賊餉道。厄魯特進退受敵。遂大潰。不敢歸藏。即由舊路北竄。飢凍死亡者不可悉數。其還伊犁者不及半。於是藏中大小頭目盡擒獻。準噶爾喇嘛百餘人。其策零敦多布所授爲總管者。俱斬於軍前。達賴喇嘛即於是年九月登座。詔以拉藏舊臣康濟鼐頗羅鼐分掌前後藏事。藏地悉平。

(未完)

日儒佐久間象山格言

日晷一移。千載無再來之。今形神既離。萬古無更生之。我學藝事業。豈可悠忽。一朝大覺。雖悔何追。

人之譽已於己。何加。因譽自怠。反蒙其害。人之毀已於己。何損。因毀自強。其德乃彰。

納身於規範。則不可不嚴。此治己之法也。治己卽所以治人。以規範律人。則不可過嚴。此安人之道也。安人卽所以自安。

讀書講學。徒爲空言。語不及當世之務。與清談廢事。去一間耳。